



Aningaasaqarnermut Naalakkersuisoq

Ulloq: 06-01-2021

J.nr.: 01.31.06/21 - 00925

Aningaasaqarnermut Akileraartarnermullu Ataatsimiititaliap ataasinngornermi ulloq 4. januar 2021-mi aalajangiineranik Naalakkersuisunut ilisimatitsineq

”Naalakkersuisut **inassutigaat**,

2021-mut ilassutitut aningaasaliissutitut inatsisissatut siunnersuummut kontomut pingaarnermut 30.12.08 Utoqqalinerimi pensionisiat-nut oqaasertaliussaq matumunnga ilanngussaq naapertorlugu ilanngunneqassasoq, aamma

2021-mut ilassutitut aningaasaliissutitut inatsisissatut siunnersuummut kontomut pingaarnermut 30.12.09 Siusinaartumik pensionisiat-nut oqaasertaliussaq matumunnga ilanngussaq naapertorlugu ilanngunneqassasoq”

Aningaasaqarnermut Ataatsimiititaliap oqaaseqaatai

Naalakkersuisut ilaatigut paasissutissiipput:

”Tamatum kingorna qinnuteqarneq Aningaasaqarnermut Akileraartarnermullu Ataatsimiititaliamut nassiunneqassaaq tuaviortumik suliarineqarnissaa noqqaassutigalugu. Taamaalinikkut ataatsimiititaliat qinnuigineqarput qinnuteqarneq 2020-mi piviusumik suliareqqullugu, ilutigalugulu januar 2021-p aallartilaaginnarnerani A/2021-p atuutilereernerani pisortatigoortumik aalajangiiffiqeqqullugu. Aningaasaqarnermut Akileraartarnermullu Ataatsimiititaliaq aningaasanut inatsimmut ilassutitut aningaasaliissutit taamaallaat ukiumi aningaasanut inatsiseqarfiusumi atuuttumi akuerisinnaavai.”

Naalakkersuisut inassuteqaataat Aningaasaqarnermut Ataatsimiititaliamit ulloq 22/12-2020-mi piviusumik suliarineqarpoq, tamatumani inassuteqaatit akuerineqarlutik (tak. ataatsimiititaliap suliaa 01.31.06/20 – 00922). Aalajangiineq taanna aqutigalugu inassuteqaatit Aningaasaqarnermut Ataatsimiititaliamit pisortatigoortumik akuerineqarput.

Eqqumaffiqeqquneqassaarli piviusumik suliarinninnerminut atatillugu ataatsimiititaliaq apeqqutinik nassiussimmat, taakkulu akineqarnissaat ataatsimiititaliamit suli utaqineqarmat.

Aningaasaqarnermut Ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuersissutigineqarput.**

Ataatsimiititaliaq sinnerlugu

Hermann Berthelsen



Ataatsimiititaliap siulittaasua